



Siverth K. Heilmann
Atassut

UKA 2021/25
27. oktober 2021

Silaannakkut angallanneq [il.il.](#) pillugit inatsimmut allannguutissatut inatsisunik Kalaallit Nunaannut atuutilersitsineq pillugu peqqussutip, Namminersorlutik Oqartussanit akuerineqarnissaa pillugu Inatsisartut aalajangiiffisassaattut siunnersuut.

(Ineqarnermut, Attaveqaasersuutinit, Aatsitassanut, Inatsisit Atuutsinneqarnerannut, Naligiissitaanermullu Naalakkersuisoq)

Silaannakkut angallanneq [il.il.](#) pillugit inatsimmut allannguutissatut Naalakkersuisut saqqummiussaqaarneranut qujanaq, imatullu Atassummiit naatsumik oqaaseqarfiggissavarput.

Naalakkersuisut qulaani qulequtarineqartumut tunngavilersuutigaat, naalagaaffimmi isumannaallisaanermut akitsuutip assigiissagaasup qulakkeernissaanut kunngip peqqussutaanut atasumik pisariaqartitsisoqartoq. Kiisalu Kangerlussuup mittarfiata EU-milu mittarfiit akornanni OSS-ip ataasiartumik isumannaallisaanerup attatiinnarneqarnissaanut qulakkeerinninniarnersuoq.

Isumannaallisaanermut akiliuteqartarneq kunngip peqqussutaatigut 2017-imi atuutsilersinneqarpoq. Timmisartumullu akiliuteqartarneq billetsit aqqutigalugu akilerneqartartoq, Naalagaaffimmi mittarfinnik Trafikstyrelsen nakkutilliinerannut toqqaannartumik manna tikillugu periusaasumik allatigullu naleqqussaaniarnermik imaqartoq Atassummiit tunngaviatigut tapersorsorparput.

Kangerlussuup qinnguani mittarfiusoq silap pissusaanut atatillugu nunarsuatsinni isumannaannerpaat ilaattut nalilerneqartartup, takinerusumik isummersorfigerusunnaraluartoq, taamaattoq Nuummi Ilulissanilu mittarfissuassat naammassineqareeraluarpataluunniit, Kangerlussuup mittarfiata ammaannarnissaanik, minnerpaamik Qallunaat Nunaanni Naalagaaffeqatitsinniik atueqatigiittarnermik aningaasalersuinertigullu qulakkeersimaneqartuarnissaa Atassummiit pingaartipparput.

Taamatut naatsumik siunnersuummut tapersiinerput nalunaarutigalugu, inassutigissavarput suliap aappasaaneerneqartigani ataatsimiititaliami susassaqaartumut ingerlateqqarneqarnissaa.

Qujanaq.